

“*rum* mulierum mammæ gaudent : perinde ut natura indistincta fons est  
“ intellectus.

61. “ Hic fluvius, in cujus ripis postes sacrificales defossæ sunt, versus  
“ *Ayodhyam*, urbem regiam, devehit aquas suas, puriores redditas ab  
“ *IKSHVÁKUIDIS*, post sacrificia equina abluendi caussa in illas immer-  
“ gentibus.

62. “ Quem animus meus colit, tanquam communem matrem *Kosalæ*  
“ septentrionalis regum, voluptati in insulis, quasi in gremio ejus, adsue-  
“ torum, atque larga ejus aqua nutritorum.

63. “ Hæc *Sarayus*, matris meæ instar, a rege illo honorando separata,  
“ me procul commorantem amplectitur quasi undarum brachiis, frigidos  
“ ventos ferentibus.

64. “ Quia pulvis terrenus, tincti diluculi instar fuscus, in conspectu  
“ nostro surgit, suspicor ego, obviam nobis venire *BHARATAM* cum exer-  
“ citu, per *HANUMANTEM* de adventu nostro certiore factum.

65. “ Certe probus ille offeret mihi redeunti, qui promissum exsolvi,  
“ dignitatem integram, ut *LAKSHMANAS* adduxit mihi te, *KHARA* aliisque  
“ *Rákshasis* in prælio occisis servatam.

66. “ *BHARATAS* pedibus incedens, magistrum præire jubens, exercitum-  
“ que instructum post se ducens, cortice indutus, una cum consiliariis  
“ senibus, munera manibus tenens, mihi obviam venit.

67. “ Qui mei respectu habito, quamquam juvenis, dignitate a patre  
“ data, quam in sinu tenebat, haud fruitus, per tot annos cum illa durum  
“ abstinentiæ votum exsolvit.”

68. *DASARATHIDA* hæc locuto, currus cœlestis, divinitate sua optatum  
illius cognoscens, descendit e semita fulgente, cum stupore conspectus a  
civibus, *BHARATAM* sequentibus.

69. Atque *RÁMAS*, manum porrigens simiorum principi, officii gnaro, de-  
scendit de curru per scalam, a *VIBHÍSHANA* præeunte indicatam, haud lon-  
ginquam a terra, atque in intervallis crystallo distinctam.

70. Pius ille, postquam inclinato corpore salutasset *IKSHVÁKUIDARUM*  
familiæ magistrum, *BHARATAM* fratrem, muneribus acceptis, lacrymas